

բութենէ ճշդիւ թարգմանեալ եղաք 'ի կարգի պատմութեան : Սակայն Վիրք՝ թէպէտեւ ամբաստանութեամբ յարուցին վէճս և քննութիւնս , այլ ոչ ինչ կարացին շահիլ . զի ոչ կարացին մերժել զԼատինս 'ի տեղւոջն յայնմանէ , զոր ժառանգեն մինչեւ ցայսօր ժամանակի . նոյնպէս և ոչ 'ի վանաց Ս . Յակոբայ զՀայս :

Պատմէ Մարինոս Լատին թէ՛ վերելից սանդուխքն Գողգոթայի՝ էր յարեւմտից դէպ յարեւելս , և 8 աստիճանօք ելանէր մինչ 'ի միջին տեղին , և անտի դաւնայր դէպ 'ի հարաւ , և 10 աստիճանօք ելանէր 'ի յատակ եկեղեցւոյն , բաժանեալ յերկուս 'ի մէջ Լատինաց և Յունաց . իսկ ամբողջ յատակ եկեղեցւոյն յօրինեալ էր գոյնղգոյն մանր մուգայիւք , որոյ զնմանն չէր ուրեք տեսանել . և 'ի շքրջապատ յորմս զանազան խորհրդաւոր պատկերք նկարեալ 'ի Յունաց և 'ի Վրացւոց , յորոց միջի երեւելի էին պատկերքն Հեղինէ թագուհւոյն եւ Հերակլի կայսեր : Այժմ՝ այլայլեալ են ամենեքեան , և փոխեալ 'ի ձեւ եկեղեցւոյն Յունաց . միայն 'ի Տարածման տեղին 'ի բաժնին Լատինաց երեւին մնացորդք մուգայից , եւ այլքն նորոգեալք զկնի հրդեհի տաճարին :



Գ Լ Ո Ւ Խ Լ Ե .

Սուրբան Սելիմ՝ Օսմանցւոց : Առումն Ասորեաց , Պաղեստինայ , և Եգիպտոսի , բարձումն իշխանութեան Մհմեդաց : Հրովարտակ նորին առ Սարգիս Պատրիարք : Բանտարկութիւն Լատին կրօնաւորաց : Յովհաննէս Ե . պիտկոպոս : Աստուածատուր Պատրիարք :

ՍՈՒԼԹԱՆ ՍԵԼԻՄ՝ առաջին , Նափաղ կոչեցեալ . հզօր թագաւոր Օսմանեան Պետութեան : Սա հանապաղ երկնէր 'ի մտի և քանիցս ծանուցեալ էր նախարարաց իւրոց՝ մաքրել զարեւելս յաղանդոյ Պարսից , և պատրաստէր միսսանգամ արշաւել 'ի վերայ նոցա . բայց իրրեւ լուաւ թէ՛ Սուլթանն եգիպտոսի Դուրի կամ Դաւրի 'ի Չէքքէզ ցեղէ , դաշնակցեալ է ընդ Շահին հակառակ իւր . դարձոյց ըզ-